

等為如來出生法門轉法輪如來以一切衆生念念心心行等音聲為一切衆生而轉法輪何以故佛子如來應供等正覺有三昧名曰究竟無礙無畏如來正受三昧而轉法輪如來入此三昧已出生一切衆生等音於一音中復生一切衆生等音而轉法輪悉令衆生皆大歡喜佛子若是知轉法輪者當知是人則為隨順一切佛家不如是知則不隨順諸如來家佛子是為菩薩摩訶薩知見如來應供等正覺轉法輪尔時普賢菩薩欲重明此義以偈頌曰

如來轉法輪 三世無不至 所轉無所轉
 求之不可得 詛如諸文字 說之不可盡
 十力亦如是 轉法輪無盡 詛如章文字
 悉入一切數 所入無所入 法輪亦如是
 普入一切音 所入無所入 彼亦無自性
 能令一切喜 出過一切數 究竟成善得
 欲說真實義 是故入三昧 以彼三昧力

出生妙音聲 悉與衆生等 而轉淨法輪
 又復悉於彼 一一諸音聲 出生無量音
 衆生語言法 大自在無念 我出彼衆音
 隨其受化者 不內亦不外 一切無不間
 十力亦如是 無漏不可盡 詛如諸文字
 轉清淨法輪 亦復無積聚 一切無不間
 無漏不可盡

大方廣佛華嚴經卷第三十

問

大方廣佛華嚴經卷第三十七
 東晉天竺佛陀跋陀羅譯
 寶王如來性起品之三
 佛子云何菩薩摩訶薩知見如來應供等正覺大般涅槃此菩薩摩訶薩欲知見如來應

供等正覺大般涅槃者當如是知如如般涅槃如來大般涅槃亦復如是如實際如法界如虛空界如實性如離欲際如無相際如我性際如一切法性際如真實際般涅槃如來大般涅槃亦復如是何以故涅槃非生滅法若法不生當知不滅去無所至佛子如來應

供等正覺不爲菩薩演說顯現如來究竟涅槃何以故欲令諸菩薩於一念中普見三世一切諸佛悉現前故出生一切如來妙色亦復不起二不二想何以故善薩摩訶薩遠離諸想無染著故佛子但如來欲令衆生歡喜故出現於世欲令衆生憂悲感慕故示現涅槃其實如來不生不滅永無滅度佛子譬

如大火於一切世界能爲火事焚燒草木無不盡者有時彼火至無草木城邑聚落自然而滅於意云何一切世間火悉滅不答曰不也如來應供等正覺亦復如是於一切世界施作佛事或一佛刹化度已周示現涅槃於意去河一切世界如來悉滅度耶答曰不也

佛子是爲菩薩摩訶薩知見如來應供等正覺大般涅槃復次佛子如大幻師善知幻術安住此術於三千大千世界一切城邑聚落切世界淨水器中影無不現日無是念我能普現一切淨水佛子彼時或有一水器破日影不現於意云何彼影不現豈日過耶答曰

不也水器破故日影不現佛子如來智慧圓滿淨日一念出現悉能照瞞一切世界一切法界一切衆生滅除垢濁淨心水器影無不顯常現在前但破器濁心衆生不見如來法身影像應見涅槃而得度者是故如來現般涅槃其實如來不生不滅永無滅度佛子譬

悉捨滅耶答曰不也如來應供等正覺亦復如是善知大慧幻術具足出生巧方便慧於一切法界普能示現如來幻身常住如法界究竟如虛空隨諸佛刹教化度脫已周訖處示現涅槃當知不以一刹示現涅槃故如來究竟永滅度也佛子是爲菩薩摩訶薩知見

如來大般涅槃復次佛子如來示現般涅槃時先入不動三昧入三昧已於一身各放無量億千那由他太光一一光明各出無量阿僧祇妙寶蓮華一一蓮華各有不可說不可說妙寶華疎一一華疎各有寶師子座一座上各有如來結跏趺坐彼時所現諸如來身悉與一切衆生數等功德具足相好莊嚴究竟本願時有衆生善根熟者見如來身心皆調伏稟受道化彼如來身究竟安住盡未來際隨一切衆生所應受化未曾失時彼如來身無有處所非實非虛如來但欲究竟過去諸大願故欲令衆生長養諸善根故應

現其身常住不滅佛子是爲菩薩摩訶薩知見如來應供等正覺大般涅槃復次佛子此菩薩摩訶薩知見如來涅槃無量無邊究竟法界無所障礙不生不滅淨如虛空安住實際隨其所應而示現之本願所持不捨一切衆生一切佛刹一切諸法尔時普賢菩薩欲重明此義以偈頌曰

譬如圓滿日 一切法界等 影現一切水
唯除諸破器 最勝亦如是 普現一切世
衆生無信心 謂佛入涅槃 譬如猛盛火
焚燒一切物 無草木聚落 火則自然滅
最勝亦如是 充滿於法界 究竟諸佛事
示現入涅槃 譬如大幻師 示現無量身
如來亦如是 普現一切身 究竟諸佛事
示現般涅槃 隨應受化者 以此而示現
最勝有三昧 名曰不可動 究竟佛事已
然後入此定 念出無數佛 又放無量光
光有無量華 華有無量佛 最勝無量身

充滿諸法界 積集功德者 一切無不見
善逝淨法界 無量法界等 壽命淨莊嚴
一切悉具足 猶如無生性 如來興亦然
猶如無滅性 涅槃亦如是 悉離語言道
不可爲譬喻 天中天難勝 具足一切德
佛子去何菩薩摩訶薩知見於如來應供等
正覺所見聞恭敬供養所種善根此菩薩摩
訶薩知見於如來所見聞恭敬供養所種善
根皆悉不虛功德無盡離一切愛究竟解脫
果報不虛滿足諸願於一切有爲法中不可
窮盡而能隨順無爲智慧起諸佛智究竟未
來際具足一切諸如來地佛子譬如丈夫食

悉能燒盡何以故火性悉能燒故佛子於如
來所種少善根亦復如是悉能燒滅一切煩
惱無有遺餘究竟涅槃何以故於如來所種
諸善根性究竟故佛子譬如雪山有大藥王
名曰善現若有見者眼得清淨若有聞者耳
得清淨若聞香者鼻得清淨若嘗味者舌得
清淨若有觸者身得清淨若取彼地上悉能
除滅無量衆病安隱快樂如來應供等正覺
無上藥王亦復如是常以一切諸方便行饒
益衆生若有得見如來色身眼得清淨若有
得聞如來名号耳得清淨若有得聞如來戒
香鼻得清淨若有得味如來法味舌得清淨
得金剛廣長清淨舌根悉能演說一切言音
若有得觸如來光者彼人即得清淨色身究
竟逮得無上法身若有念如來者得念佛三
昧正念不亂若有得經行地如來塔廟禮拜
供養彼衆生等具足善根滅煩惱患得賢聖
樂佛子乃至不信邪見衆生見聞佛者彼諸

衆生於見聞中所種善根果報不虛乃至究竟涅槃斷一切惡諸不善根具足善根佛子於如來所見間供養恭敬所種善根不可言說不可爲喻何以故如來不可思議過思議故但隨所應佛爲作喻佛子是爲菩薩摩訶薩知見於如來所見間恭敬供養種諸善根

余時諸菩薩摩訶薩白普賢菩薩言佛子當何名此經云何奉持佛子比經名爲一切諸佛微密法藏一切世間不能思議如來所印大智光明開發示現如來種姓長養一切菩薩功德一切世間無能破壞隨順一切如來境界今一切衆生皆悉清淨分別演說佛究竟法佛子如是經典但爲乘不思議乘菩薩摩訶薩一向專心求菩提者分別解說不爲餘人何以故此經不入一切衆生之手唯除菩薩佛子譬如轉輪聖王所有七寶因此寶故行轉輪王法聖王七寶無堪持者唯除第一夫人所生太子具足成就聖王相者佛子

若轉輪王無此太子且衆德者王命終後此諸寶等自然散滅佛子此經如是不入一切衆生之手唯除如來法王真子從諸如來種姓家生種如來相諸善根者若無此等佛之真子斯經則滅何以故一切聲聞緣覺不聞此經何況受持書寫解說無有是處唯除菩薩摩訶薩能自誦持書寫經卷佛子是故菩薩摩訶薩聞此經者歡喜恭敬頂戴受持何以故菩薩摩訶薩信樂此經少作方便必決定得無上菩提佛子菩薩摩訶薩雖無量億那由他劫行六波羅蜜修習道品善根未聞此經雖聞不信受持隨順是等猶爲假名菩薩不從如來種姓家生佛子若菩薩摩訶薩得聞此經聞已信向受持隨順當知此等爲具佛子從佛家生隨順一切如來境界具足一切菩薩正法安住一切種智境界遠離一切世間諸法出生長養如來所行到一切菩薩諸法彼岸於如來自在正法心無疑惑究竟

竟安住無師之地深入一切如來境界佛子
菩薩摩訶薩聞此經已應當發平等意行無
量心遠離一切虛妄之想究竟真心面對正
念一切如來修習平等清淨猶如虛空分別
觀察一切菩薩行業與法界等具足成就一
切智智遠離一切世間垢濁發清淨心充滿

一切十方世界深入一切菩薩法門平等觀
察三世諸佛具足善根功德智慧深入此等
一切諸法而無所入不念一法不念二法悉
平等觀無量諸法佛子菩薩摩訶薩成就如
是等功德少作方便得無師智爾時普賢菩
薩欲重明此義以偈頌曰

若見聞如來 恭敬及供養 所植諸善根
無量不可稱 一切有為中 不可得窮盡
寂滅諸煩惱 離苦得涅槃 般若有一人
吞服小金剛 究竟不可消 下至金剛際
如是十力所 見聞供養福 具足金剛智
煩惱滅無餘 譬如乾草積 等彼湏弥山

投火如芥子 燒盡悉無餘 如是善逝所
若植少功德 燒滅諸煩惱 正趣到涅槃
譬如雪山中 有大藥王樹 見聞觀味觸
除滅一切患 丁刀亦如是 若有見聞者
修習勝功德 究竟成菩提 尔時十方不可說不可說百千億那由他佛

刹微塵等世界六種震動東涌西沒西涌東
沒南涌北沒北涌南沒邊涌中沒中涌邊沒
及十八相動所謂動遍動等遍動起遍起等
遍起覺遍覺等遍覺震遍震等遍震吼遍吼
等遍吼遍涌等遍涌爾時佛神力故法如
是故雨衆華雲勝過諸天雨寶衣雲蓋雲幢

雲幡雲香雲塗香雲瓊雲莊嚴雲蓋寶雲菩
薩讚歎雲菩薩身雲三藐三菩提雲普今不
可思議世界皆悉清淨雨如來妙音聲雲充
滿無量無邊法界如此四天下佛神力故今
諸菩薩皆大歡喜一切十方亦復如是爾時
十方各過八十不可說百千億那由他佛刹

微塵等世界之外各有八十不可說百千億那由他世界微塵等如來悉現其身若近對面同号普賢現已咸作是言善哉善哉佛子乃能承佛神力隨順深法解說不可思議如來性起正法佛子我等諸佛亦說此法十方一切諸佛及諸菩薩亦復如是說此經時百千佛刹微塵等菩薩得菩薩一切明一切三昧受一生記當成阿耨多羅三藐三菩提一佛刹微塵等衆生發菩提心我等悉與受記於未來世當成佛道悉同一號佛勝境界是故我等普為未來諸菩薩故護持此經今久住世如此四天下所度衆生十方無量阿僧祇不可思議不可稱不可量不可說法界虛空界等一切世界所度衆生亦復如是盧舍那佛本願力故法如是故善根力故如來無盡智故如來不失時故隨其所應化菩薩故廣行普賢菩薩行故示現一切種智故尔時十方各過十不可說百千億那由他佛刹

微塵等世界之外各有十一不可說百千億那由他佛刹微塵等菩薩來詣此土充滿一切法界示現菩薩大妙莊嚴放大光明網震動一切世界壞散一切諸魔宮殿除滅一切惡道諸難昭明一切如來功德讚歎一切如來正法普雨無量無邊供養雲雨示現無量種

種異身示現己身是無量諸佛法門之器時彼諸菩薩承佛神力各作是言善哉善哉佛子乃能說是如來不可壞法佛子我等一切悉名普賢於普光明世界普勝如來所淨修梵行彼諸佛所示說是經如是句如是味如是行如是相貌佛子我等承佛神力故法如是故於彼世界來詣此土爲汝作證一切十方盡法界虛空界等一切世界亦復如是尔時普賢菩薩承佛神力觀察一切諸菩薩衆欲重明如來性起正法欲說如來無量功德欲明如來正法不可沮壞欲生一切菩薩無量智慧法明欲說一切具足佛法欲觀察一

一切群生類心欲隨所應化不失時欲分別一切無量無邊菩薩正法欲顯現一切如來變化自在莊嚴欲明一切如來一身無異欲出生一切菩薩無量本行以偈頌曰

一切諸如來 所成就威儀 舉世悉稱譽
無能爲譬喻 爲饒益衆生 今悉開解故

以非喻爲喻 無量劫難聞 精進智慧者
若有聞此經 供養無量佛 一切諸善逝
世上世間勝 摄取常守護 最勝歡喜衆
此經爲內藏

悉能生無量 一切白淨道 是故離放逸

一心常奉持

離世間品第三十三之一

余時世尊在摩竭提國寂滅道場普光法堂
坐蓮華藏寶師子座成等正覺念不二念無
相念住佛所住等一切佛到無礙趣得不退

法無礙境界住不思議遠離三世於一切世
界普現其身知一切法具足成就一切妙行
永滅疑惑離虛妄身能與一切菩薩無量智
慧住佛無二法究竟竟到彼岸具足如來不可
沮壞智慧法門究竟無量無邊虛空法界等
如來諸地與百千億那由他不可說一切佛

古文三十卷

刹微塵等菩薩摩訶薩俱悉是一生當成阿
彌多羅三藐三菩提各從十方世界來集具
足成就一切菩薩方便智慧善巧方便調伏
衆生悉令安住菩薩正法分別了知一切世
界觀察明達解脫境界悉已除滅一切虛妄
具足成就一切妙行善攝衆生深入無量巧
方便法善知一切衆生果報善知一切衆生
心使諸根境界方便三世一切諸佛所說句
味及義善聞受持廣爲人說善入無量無邊
世間離世間法善能解了諸有爲法皆悉無
二於一念中得一切佛智於念念中善能示
現成等正覺令一切衆生發菩提心成等正

覺入一衆生境界。善知一切衆生心之境界。不捨如來地。現菩薩身得不退轉。一切智地。不捨菩薩行深入無行智爲一切衆生故。於無量無數劫修善薩行於無量無數劫難得值遇菩薩之寶轉淨法輪。調伏衆生悉令逮得明淨法眼。成就三世一切諸佛淨住行願。具足如是等無量無邊功德。一切諸佛盡未來切說不可盡其名。曰普賢菩薩普正法菩薩普化菩薩普慧菩薩普眼菩薩普光菩薩普觀察菩薩普照菩薩普幢菩薩普覺菩薩。如是等百萬億那由他。不可說佛刹微塵等菩薩摩訶薩。皆悉具足普賢行願。隨諸世界有

入三昧已。十方一切出界六種十八相震動。出微妙音。一切世界無不聞者。然後安詳從三昧起。尔時普慧菩薩知諸菩薩大衆雲集。問普賢菩薩言。佛子何等爲諸菩薩摩訶薩。依果何等爲奇特想。何等爲行。何等爲善知識。何等爲勤修精進。何等爲正慾望。何等爲成就衆生。何等爲戒。何等爲自知受記法。何等爲入。何等爲入如來。何等爲入衆生心。何等爲入世界。何等爲入劫。何等爲說三世。何等爲入三世間。何等爲離憂心。無厭悔。何等爲無壞智。何等爲阨羅尼。何等爲知分別。說佛何等爲發普賢心。何等爲普賢願行法。何等爲大悲。何等爲發菩提心。因緣何等爲於善知識。起恭敬心。何等爲清淨。何等爲波羅密。何等爲隨順覺知。何等爲決定智。何等爲力。何等爲平等。何等爲佛法句。何等爲說法。何等爲受持。何等爲辯。何等爲勝法。何等爲無著。何等爲平等心。何等爲出生智慧。何等爲大慈。何等爲無上菩提。何等爲無漏智。何等爲無爲法。何等爲無爲心。何等爲無爲願。何等爲無爲願行。何等爲無爲願行法。何等爲無爲願行法句。何等爲無爲願行法句句。何等爲無爲願行法句句句。何等爲無爲願行法句句句句。

等爲變化何等爲持何等爲大正慚望何等爲深入佛法何等爲依止何等爲發無畏心何等爲除滅一切疑惑發無疑心何等爲不思議何等爲巧方便微密語何等爲巧方便分別智何等爲正受三昧何等爲一切處何等爲法門何等爲通何等爲明何等爲解脫何等爲園林何等爲宮殿何等爲樂何等爲莊嚴何等爲發不動心何等爲不捨深心何等爲智觀察何等爲分別法何等爲無垢何等爲智印何等爲智慧光明何等爲不可稱量住何等爲無懈怠心何等爲須彌山王正直之心何等爲深入智慧大海成無上菩提何等爲寶住何等爲發金剛心莊嚴大乘何等爲發大事何等爲究竟大事何等爲不壞信何等爲受記何等爲善根迴向何等爲得智慧何等爲發無量無邊廣心何等爲藏何等爲調順何等爲自在何等爲衆生自在何等爲刹自在何等爲法自在何等爲身自在

何等爲願自在何等爲境界自在何等爲智自在何等爲通自在何等爲神力自在何等爲力自在何等爲遊戲神通何等爲勝行何等爲力何等爲無畏何等爲不共法何等爲業何等爲身何等爲身業何等爲身何等爲口何等爲淨口業何等爲淨口業得諸守護

何等爲口業成辦大事何等爲心何等爲發心何等爲心滿何等爲根何等爲直心何等爲深心何等爲方便何等爲樂修何等爲解脫深入世界何等爲入衆生性何等爲習氣何等爲熾然何等爲趣何等爲具足法何等爲退失佛法何等爲離生何等爲決定法何等爲出生佛道法何等爲得善男子名号何等爲道何等爲無量道何等爲道具何等爲修道何等爲莊嚴道何等爲足何等爲手何等爲腹何等爲藏何等爲心何等爲莊嚴何等爲器仗何等爲頭何等爲眼何等爲耳何等爲鼻何等爲舌何等爲身何等爲意何等

爲行何等爲住何等爲坐何等爲臥何等爲住何等爲行何等爲觀察何等爲周遍觀察何等爲奮迅何等爲師子吼何等爲淨施何等爲淨戒何等爲淨忍何等爲淨精進何等爲淨禪何等爲淨慧何等爲淨慈何等爲淨悲何等爲淨喜何等爲淨捨何等爲義何等爲法何等爲功德具何等爲智具何等爲明足何等爲求法何等爲明了法何等爲向法何等爲魔業何等爲捨離魔業何等爲見佛何等爲佛業何等爲慢業何等爲智業何等爲魔攝持何等爲佛攝持何等爲法攝持何等爲住兜率天所行事業何等爲兜率天示現命終何等爲示現降神母胎事何等爲示現微細趣何等爲生何等爲大莊嚴何等爲遊行七步何等爲示現童子地何等爲示現妓女眷屬何等爲示現捨家出家何等爲示現苦行何等爲往詣道場何等爲坐道場何等爲坐道場時顯奇特相何等爲

示現降魔何等爲成等正覺何等爲轉法輪何等爲因轉法輪得自淨法佛子何等爲如來應供等正覺示現大般涅槃善哉佛子如何等爲具演說尔時普賢菩薩摩訶薩告向所問願具演說尔時普賢菩薩摩訶薩告普慧等諸菩薩言佛子菩薩摩訶薩有十種依果何等爲十所謂菩提心依果究竟不忘失故善知識依果隨順和合故善根依果長養諸善根故諸波羅蜜依果究竟修行故一切法依果永出生死故諸願依果長養菩提故諸行依果廣修習故菩薩依果一生補處故供養佛依果信心不壞故一切如來依果正教離顛倒故佛子是爲菩薩摩訶薩十種依果若菩薩摩訶薩住此依果則得如來無上智依果佛子菩薩摩訶薩有十種奇特想何等爲十所謂於一切善根生自善根想於一切善根生善提種子想於一切衆生善提器想於一切願生自願想於一切法生出生死想於一切行生自行想於一切法生佛

法想於一切語言生語言道想於一切佛生
慈父想於一切如來生無二想佛子是爲善
薩摩訶薩十種奇特想若菩薩摩訶薩安住
此想則得無上巧妙方便轉一切想佛子善
薩摩訶薩有十種行何等爲十所謂今一切
衆生專求正法行善根淳熟行善學一切戒

行長養一切善根行一心不亂修三昧行分
別一切諸智慧行修習一切所修行莊嚴一
切出界行恭敬供養善知識行恭敬供養諸
如來行佛子是爲菩薩摩訶薩十種行若菩
薩摩訶薩安住此行則得如來無上大智行
佛子菩薩摩訶薩有十種善知識何等爲十

所謂能令安住菩提心善知識能令修習善
根善知識能令究竟諸波羅蜜善知識能令
分別解說一切法善知識能令安住成一切
衆生善知識能令具足辯才隨問能答善知
識能令不著一切生死善知識能令於一切
劫行善薩行心無厭倦善知識能令安住普

賢行善知識能令深入一切佛知善知識佛
子是爲菩薩摩訶薩十種善知識佛子菩薩
摩訶薩有十種勤修精進何等爲十所謂教
化一切衆生勤修精進入一切法勤修精進
今一切世界清淨勤修精進究竟一切菩薩
所學勤修精進令一切眾生滅一切惡勤修
精進除滅一切地獄餓鬼畜生閻羅王苦勤
修精進降一切魔勤修精進爲一切衆生作
清淨眼勤修精進恭敬供養一切諸佛勤修
精進今一切如來皆悉歡喜勤修精進佛子
是爲菩薩摩訶薩十種勤修精進若菩薩摩
訶薩住此精進則具如來無上精進波羅蜜
佛子菩薩摩訶薩有十種正慚望何等爲十
所謂自住菩提心亦令衆生住菩提心正希
望自離忿諍亦令一切衆生離於忿諍正希
望自離愚癡安住佛法亦令衆生捨離愚癡
安住佛法正希望自修善根專求正法亦令
衆生修習善根專求正法正希望自究竟諸

波羅蜜得到彼岸亦令衆生究竟諸波羅蜜
得到彼岸正希望自生如來種姓家亦令衆
生生如來種姓家正希望自深入觀一切法
無盡性亦令衆生深入觀一切法無盡性正
希望自不誹謗一切佛法亦令衆生不誹謗
一切佛法正希望自滿一切智願亦令衆生
滿一切智願正希望自深入一切如來無盡
智藏亦令衆生深入一切如來無盡智藏正
希望佛子是爲菩薩摩訶薩十種正希望若
菩薩摩訶薩安住此法則得如來無上平等
大智正希望佛子菩薩摩訶薩有十種法成
就衆生何等爲十所謂布施成就衆生色身
端嚴成就衆生說法成就衆生同意成就衆
生無染著成就衆生勤菩薩行成就衆生示
現一切世界熾然成就衆生歎如來功德成
就衆生示現神力自在成就衆生種種巧方
便微密隨順世間行成就衆生佛子是爲菩
薩摩訶薩十種成就衆生若菩薩摩訶薩安

住此法則能成就一切衆生佛子菩薩摩訶
薩有十種戒何等爲十所謂不壞菩薩心戒
離聲聞緣覺地戒饒益觀察一切衆生戒今
一切衆生住佛法戒一切菩薩學戒戒一切
無所有戒一切善根迴向菩提戒不著一切
如來身戒佛子菩薩摩訶薩有十種自知受
記法今彼菩薩自知受記何等爲十所謂一
向發菩提心菩薩受記不厭菩薩行菩薩受
記於一切劫修諸苦行菩薩受記隨順一切
佛法菩薩受記於一切如來所說決定信向
菩薩受記具足修習一切善根菩薩受記今
一切衆生安住菩提菩薩受記於一切善知
識和合隨順菩薩受記於一切善知識生如
來想菩薩受記守護菩提本願菩薩受記佛
子是爲菩薩摩訶薩十種自知受記法今彼
菩薩自知受記佛子菩薩摩訶薩有十種入
具足入分別願入性入莊嚴刹入神力自在

入示現出生佛子是爲菩薩摩訶薩十種入亦入三世一切菩薩所入佛子菩薩摩訶薩有十種深入如來何等爲十所謂深入無量無邊諸佛善提深入無量無邊轉淨法輪深入無量無邊諸方便法深入無量無邊微妙音聲深入無量無邊調伏衆生深入無量無

邊神力自在深入無量無邊種種異身深入無量無邊三昧深入無量無邊力無所畏深入無量無邊示現涅槃佛子是爲菩薩摩訶薩十種深入如來此十種深入法三世諸佛悉亦共入佛子菩薩摩訶薩有十種入衆生心行何等爲十所謂入過去一切衆生心行入未來一切衆生心行入現在一切衆生心行入一切衆生諸善根行入一切衆生不善根行入一切衆生種姓行入一切衆生諸使習氣行入一切衆生時非時調伏行佛子是爲十種入衆生心行因是十種入衆生

心行則能普入一切衆生心行佛子菩薩摩訶薩有十種入世界何等爲十所謂入不淨世界入清淨世界入小世界入中世界入微塵世界入微細世界入覆世界入仰世界入有佛世界入無佛世界佛子是爲菩薩摩訶薩十種入世界因此十種入世界則能普入

一切世界佛子菩薩摩訶薩有十種入劫何等爲十所謂入過去劫入未來劫入現在劫入可數劫入不可數劫入可數不可數劫入不可數可數劫入一切劫非劫入非劫一切劫入一切劫即是一念佛子是爲菩薩摩訶薩十種入劫因此十種入劫則能普入一切

諸劫

七紙

大方廣佛華嚴經卷第三十七

道